

Lingzyinz: Eu Fwen Angqhoh Ndwencieng

凌云: 壮族山歌闹新春

2 nyied 21 hauh, dwg ndwencieng cosam, ngoenzde, youq Lingzyinz Yen Gyahyouz Cin Mbanjyasanj, gyoengqvunz cingq roq gyong roq laz, doxcomz eu fwen, Lingzyinz Yen youq gizneix gawjbanh hoihfwen, angqhoh ndwencieng. Ngoenzde, miz 200 lai boux canghfwen mehmbwk caeuq bouxsai, daj Hozciz Si Fungsanh Yen、Bwzswz Si Lozyez Yen caeuq Lingzyinz Yen daeuj camgya hoihfwen.

Gwnz hoihfwen vunz lai vunz daih, nauhyied dangqmaz. Gyoengq canghfwen eu gij fwen haenx cungj dwg gyoengqde gag bien gag sij, ndeinyi raixcaix, ndaej daengz vunz lai haenhndei. Doenggyaq guh baez hoihfwen hozdung neix, ndaej gyalæg gij cingzngaih gyoengq ginzcung, dabdaengz aen muzdiz aeu fwen gyau youx、baengh fwen cienz cingz haenx.

(Siuh Fazlingz/肖发凌)



▲ Canghfwen sai eu fwen.



▲ Canghfwen mbwk Fungsanh Yen doiq fwen.

◀ Gwnz hoihfwen vunz lai vunz daih, nauhyied dangqmaz.

Lozcwngz: Baijyienj “Feih-yiz” Angqhoh Bi Moq

罗城: “非遗”展演庆新春

2 nyied 23 hauh, Lozcwngz Mulaujcz Swciyen gawjbanh baijyienj feihvuzciz vwnzva yizcanj hozdung, doxcomz baijyienj gij dinfwngz dajsuiq、san lungzfiengz、san haizfiengz、raed ceij、daemj baengz Mulaujcz. Doenghgij “feihyiz” vwnzva Mulaujcz neix, yinx haujlai vunz daeuj yawj, ndaej daengz vunz lai haenh ndei.

(Veiz Yuzdai/韦如代)



▲ Gyoengq lwgnyez baijyienj raed ceij.



▲ Mehmbwk Mulaujcz nyinhcaen dwk guh dajsuiq.

Sanhgyangh: Vaiz Doxdaemj Doxdax Hoh Bi Moq

三江: 侗乡斗牛闹新春



Biyengz ndwencieng cosam caeuq coseiq song ngoenz neix, Sanhgyangh Duncuz Swciyen youq Mbanjduncuz aen ciengz vaiz doxdaemj Niujcauz, gawjbanh vaiz doxdaemj doxdax hozdung, miz 30 lai duz vaiz daj Liujcwngz Yen、Lozcwngz Mulaujcz Swciyen caeuq lajmbanj dangdieg daeuj camgya doxdax, gyoengq vaiz duzdaz doxdaemj haenq raixcaix, ndeiyawj dangqmaz, yinx daeuj haujlai bouxyouz yawjngonz. Beixnuengx Duncuz daj ciuhgeq hwnj couh maij yawj vaiz doxdaemj, moix bi ndwencieng、ciet sam nyied sam、bet nyied cibngux daengj ngoenzciet cungj gawjbanh vaiz doxdaemj doxdax hozdung, aeu neix gouz bi moq gohaeux ndaej fungsou. Ndaw doz dwg 2 nyied 22 hauh, song duz vaiz doxdaemj doxdax ciengzmienh.

(Yangz Mingz Gungh Bujangh/杨明 龚普康)

Yungzsuij:

Suhgi Daengz Ranz “Angqhoh Ndwencieng”

融水: 第一书记“闹新春”

2 nyied 23 hauh, dwg ndwencieng co'ngux, Yungzsuij Myauzcuz Swciyen guh haeuj ranz nungzminz cam minzcingz hozdung. Miz mbanj suhgi aen mbanj gungzhoj haenx leihyunh seiz ndwencieng gyoengq vunz-mbanj miz hoengq, haeuj ranz beixnuengx Myauzcuz、Duncuz bae, senhconz henho guhhong gienzleih cihsiz、sinhnungzhoz cwngcwz nem lajmbanj gyaundeiz gensez、nungzyez swngchcanj gezgou diuzcwngj daengj, yungh gij fuengsik daegbied neix angqhoh ndwencieng.

(Lungz Linzci/龙林智)



▲ Gungjdung Yangh Lungbeiz Cunh Mbanj Myauzcuz suhgi Vuz Cez (baihgvaiz boux daihsam)caeuq beixnuengx Myauzcuz naenghdamz.